



## ঢাকা পানি সরবরাহ ও পয়ঃ নিষ্কাশন কর্তৃপক্ষ

ব্যবস্থাপনা পরিচালকের কার্যালয়

জনতথ্য বিভাগ



উন্নয়নের গণতন্ত্র  
শেখ হাসিনার মূলমন্ত্র

স্মারক নং- ৪৬.১১৩.১০৩.০০.০০.০৩৯.২০১৫/৬৯৮

তারিখ : ১২/০৬/২০২২

### প্রেস বিজ্ঞপ্তি

## স্থানীয় সরকার বিভাগের সচিব ঢাকা ওয়াসা পরিদর্শন করলেন



১২ জুন ২০২২ তারিখ স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়ের সন্মানিত সচিব জনাব মোহাম্মদ মেজবাহু উদ্দিন চৌধুরী ঢাকা ওয়াসা পরিদর্শনে আসেন। এসময় তাঁর সাথে মন্ত্রণালয়ের অতিরিক্ত সচিব, উপ সচিবসহ অন্যান্য কর্মকর্তাবৃন্দ উপস্থিত ছিলেন। ঢাকা ওয়াসা'র ম্যানেজিং ডাইরেক্টর ও সিইও প্রকৌশলী তাকসিম এ খান ফুল দিয়ে সন্মানিত সচিবকে ঢাকা ওয়াসায় স্বাগত জানান। পরে ঢাকা ওয়াসা কনফারেন্স কক্ষে ঢাকা ওয়াসার উর্ধতন কর্মকর্তাবৃন্দের সাথে পরিচয় করিয়ে দেন। এ পর্যায়ে সচিব মহোদয়ের অনুমতিক্রমে ঢাকা ওয়াসার উপর নির্মিত একটি ভিডিও ডকুমেন্টারী উপস্থাপন করেন। ঢাকা ওয়াসা যে মাননীয় প্রধানমন্ত্রীর প্রত্যক্ষ দিক নির্দেশনা ও সহযোগিতায় শতভাগ সাফল্যের সাথে সামনের দিকে এগিয়ে যাচ্ছে, এই ভিডিওতে তার প্রতিফলন পাওয়া যায়। ঢাকা ওয়াসাতে মাননীয় প্রধানমন্ত্রীর একাধিকবার আগমন এবং সংসদ অধিবেশনসহ বিভিন্ন অনুষ্ঠানে ঢাকা ওয়াসা'র কর্মকাণ্ডের উচ্ছসিত প্রশংসা করেছেন-এই ভিডিও তার প্রমানক। এ পর্যায়ে ব্যবস্থাপনা পরিচালক 'শুরে দাঁড়াও ঢাকা ওয়াসা কর্মসূচী'র আলোকে প্রাপ্ত

*(Signature)*  
১২/৬/২০২২




সাফল্য/অর্জনগুলো সম্পর্কে সন্মানিত সচিবকে পাওয়ারপয়েন্ট প্রেজেন্টেশনের মাধ্যমে অবহিত করেন। সেগুলি হ'লঃ ঢাকা শহরের পানি সরবরাহে DMA (District Metered Area) স্থাপন করে স্মার্ট পানি সরবরাহ ব্যবস্থাপনায় ঢাকা ওয়াসা অভূতপূর্ব সাফল্য অর্জন করে দক্ষিন-পূর্ব এশিয়ায় রোল মডেল হিসেবে বিবেচিত হয়েছে। DMA এলাকায় প্রেসারাইজড সিস্টেমে ২৪/৭ পানি সরবরাহ করা সম্ভব হয়েছে এবং জরাজীর্ণ পানির লাইন পরিবর্তন করায় পানির গুণগত মান অধিক উন্নততর হয়েছে। ঢাকা ওয়াসা সিস্টেম লস NRW (None Revenue Water) ৪০% (২০১০) হতে কমে ২০% (২০১৬)-এ নামিয়ে এনেছে এবং DMA এলাকায় সিস্টেম লস ৫% এ কমিয়ে দক্ষিন-পূর্ব এশিয়ায় দৃষ্টান্ত স্থাপন করেছে। বর্তমানে ২৪৫-২৫০ কোটি লিটার পানির চাহিদার বিপরীতে ২৬০-২৬৫ কোটি লিটার পানি উৎপাদনের সক্ষমতা অর্জন করেছে। স্বল্প আয়ের জনগোষ্ঠী (LIC)/বস্তি এলাকায় ২০২২ সালের ডিসেম্বরের মধ্যে পানি সুবিধা ১০০% উন্নীত করনে নিরলসভাবে কাজ করে Sustainable Development Goal (SDG) অর্জনে গুরুত্বপূর্ণ ভূমিকা পালন করেছে। বর্তমানে ই-সেবায় যুগান্তকারী পদক্ষেপ হিসাবে ই-বিলিং, ই-জিপি, ই-পানি ও পয়ঃ সংযোগ, ই-নথি এবং ই-রিট্রুটমেন্ট করে ডিজিটাল ঢাকা ওয়াসায় রূপান্তরিত হয়েছে।

এছাড়া, পানির পাম্প SCADA (Supervisory Control & Data Acquisition) স্থাপন করে ওয়েব ও মোবাইল অ্যাপ দ্বারা কোন পাম্প অপারেটর ছাড়াই গভীর নলকূপের অপারেশন, কন্ট্রোল ও মনিটরিং এর কার্যক্রম পরিচালনা করে ঢাকা ওয়াসার পরিচালন ব্যয় কমিয়ে দৃষ্টান্ত স্থাপন করেছে। ব্যবস্থাপনা পরিচালক ঢাকা ওয়াসার প্রকল্পগুলো সম্পর্কেও একটি সংক্ষিপ্ত বর্ণনা দেন।

আলোচনায় ঢাকা ওয়াসার চলমান প্রকল্পগুলো নিয়ে বিস্তারিত মতবিনিময় হয়। সন্মানিত সচিব ঢাকা ওয়াসার বর্তমান কর্মকান্ড নিয়ে সন্তুষ্টি প্রকাশ করেন।

অনুষ্ঠানের শেষ পর্যায়ে সচিব মহোদয় ও ব্যবস্থাপনা পরিচালক বিভিন্ন প্রকল্পের সমস্যাাদি নিয়ে আলোচনা করেন, বিশেষতঃ নেটওয়ার্ক ইমপ্রুভমেন্ট প্রজেক্টের রোড কাটিং পারমিশন কিভাবে সহজ ও দ্রুততর করা যায় তার উপায় খুঁজে বের করতে সংশ্লিষ্ট সবাইকে নির্দেশনা দেন।

  
২২/৬/২০২২

এ. এম. মোস্তফা তারেক  
উপ-প্রধান জনতথ্য কর্মকর্তা  
ঢাকা ওয়াসা।

স্মারক সনাক্ত করা হয়েছে।